

# 北洋官報

## 目錄

宮門抄  
 上諭  
 交旨  
 奏議 ○ 學部奏擬訂視學官章程摺 △ 鄂督陳奏設立後湖清丈局摺  
 公牘 ○ 大名鐵道等稟一件 △ 魚業公司詳一件 △ 廣宗縣稟一件 △ 贊皇縣詳一件 △ 董事會函一件 △ 議事會函一件  
 文告 四則 △ 電報八則 △ 新聞七則  
 彙編 ○ 彙摘江蘇諮議局議案

## 宮門抄

十一月初六日 吏部 翰林院 廂黃旗值日 起居注引 見二名 吏部引 見三十名 度支部

引 見四名 學部引 見三名 法部引 見六名 理藩部引 見十一名 正藍漢引

見二名 禮王等謝 賞加級 恩 崇勳得 賞加級專摺謝 恩 貴州臬司文徵請 訓

祥普假滿請 安 鐵良請假五日 郭曾忻請假十日 崇勳續假五日 侍衛處奏派口外賜奠

派出存鍾 寶恒 雲書 吏部奏派揀選官缺 派出葛寶華 王埏 陳名侃 召見軍機

文徵

## 上諭

十一月初六日內閣奉

上諭度支部奏藩司玩誤要政據實糾叅一摺清理財政局預算決算入手辦法於立憲前途大有關係乃甘肅布政使毛慶蕃於藩庫款項既不定期盤查亦不遵章造報違抗玩誤實屬咎無可辭毛慶蕃著即行革職以爲貽誤憲政者戒欽此

## 交

## 旨

十一月初六日 軍機大臣欽奉

諭旨本日引見之京察二等逾歲官

慕陵禮部員外郎瑞恆著照舊供職欽此

諭旨本日引見之鄭應韜著以通判用欽此

諭旨本日引見之暫革河南信陽州知州徐佐堯著以知縣用已革山東高苑縣知縣張之仁著以縣丞用欽此

### 奏議錄要

#### 學部奏擬訂視學官章程摺

奏為遵擬視學官章程恭摺仰祈

聖鑒事宣統元年閏二月二十八日臣部具奏分年籌備事宜單開派視學

官分查各省學務業經憲政編查館覆核奏准自應遵照辦理竊維臣部有統轄全國學務之責凡各省教育行政皆應隨時周知以期有所施設惟地方情形遠近不一風氣否塞之地則應極力勸導以徐俟其開通士習浮囂之區則當嚴定範圍以漸防其流弊自非隨時派員視察不能因時制宜徐圖整頓派遣視學之舉實不容緩惟權限不明則與地方行政或時有侵越之嫌考成不定則於辦學人員或不無瞻徇之處臣等公同商酌遵擬視學官章程三十三條繕具清單恭呈 御覽如蒙 俞允即由臣部遵奉施行其有未盡事宜及應隨時變通之處仍

由臣部奏明辦理所有遵擬視學官章程緣由謹繕摺具陳伏乞

皇上聖鑒謹 奏宣統元年十月二十九日奉

旨依議欽此

謹將遵擬視學官章程繕單恭呈

御覽

一視學區域

第一條 視學區域分為十二區一奉天吉林黑龍

江二直隸山西三山東河南四陝西四川五湖北湖南六江蘇安徽江西七福建浙江八廣東廣西九貴州雲南十

甘肅新疆十一內外蒙古十二青海西藏

第二條

每區視學官應派二人其視察區域由部臨時指定

第三條 視學官按年派遣每年約視察三四區每三年視察一周

第四條 三年之內每區必須視察一次（除內

外蒙古青海西藏暫行緩派外）此外遇有應特行視察之件得由部臨時加派視學官前往視察

一視學資格

第五條 視學官以宗旨正大深明教育原理者為合格

第六條

每區所派視學官須有精通外國文及各

種科學者一人以便考察中學以上之教法

一視學職任

第七條 視學官不設定員以部中人員或直轄學

堂管理員教員職分相當者派充

第八條

視學官除駐劄省城視察外並須出省視察外府縣或鄉鎮之學務

情形（凡鐵路輪船交通最便省分各府直隸州廳均應備查各州縣及鄉鎮可以抽查邊遠省分各府廳州縣及城鎮均可抽查） 第九條 視學官應視察之事件其要目如左 一各省學務公所各廳州縣勸學所勸學區

教育行政情形 二各種官立公立私立學堂教育情形 三學堂衛生情形 四學堂經費情形 五各項學務職員教員辦事授課情形 六各項學堂學生之風紀 七有關教育學藝諸種之設施 八特受部示之事件

第十條 前條所列各項細目視學官於每次巡視時豫爲詳細酌定並呈部核准遵照辦理 第十一條 視學官於應視察之事件如有所見應於巡視之前撰具節略呈部核定 第十二條 視學官於巡視以前應將所查

省分業經報部之學務冊籍摘要記錄以爲巡視時徵實之據 第十三條 視學官由部刊發鈐記一顆文曰學部視學鈐記爲鈐印函牘之用以資信守回京時繳存 第十四條 凡部議所已決定及特受部

示之事件視學官應向該省學務人員申述意情勸導辦理 第十五條 凡各省學務公所有與章程不合或未能實行者視學官應妥商該省提學使改正整理 第十六條 凡各廳州縣勸學所事務有與章程不合或未能

實行者視學官應詳告辦事人員令其改正整理並通知該省提學使及省視學官該府廳州縣官隨時留心考察 第十七條 凡各勸學區事務有與章程不合或未能實行者視學官應詳告辦事人員令其改正整理並通知

該府廳州縣官及勸學所總董縣視學隨時留心考察 第十八條 凡各學堂事務有與章程不合或未能實行或所授教課於學科教授訓練之次序方法未能合度者視學官應詳告該學堂監督堂長教員令其改正整理並

通知該省提學使及省視學或府廳州縣官及勸學所總董縣視學隨時留心考察 第十九條 凡視學官所視察之學堂其管理員教員如實有不能稱職及曠假太多虛糜經費等弊視學官得詳具事由商由提學使即行撤

換 第二十條 凡視學官巡視地方遇有關繫教育事務之爭端（如官紳攻訐及因學款爭訟管理員教員爭執意見等事）得將情由移交提學使或該管地方官辦理 第二十一條 凡各省學務公所各廳州縣勸學所

勸學區及各學堂所存之案卷簿冊視學官得隨時調取閱看 第二十二條 凡視學官視察某處得商令該處辦事員隨同視察並可向該員詳詢事由 第二十三條 視學官視察各學堂爲考驗學問程度起見得隨時考

試學生並調取講義稿本或圖書目錄查閱 第二十四條 凡視察某學堂毋庸預期待通知 第二十五條 視

學官每視察一府或一直隸州廳畢即將視察情形具呈報部如別有條陳得隨時呈遞聽候部核 第二十六條

視學官每次巡視應約會該省議長議紳教育會長或省視學縣視學籌議各項教育改良擴充辦法遇有地方教育會議之時視學官亦應前往聆其議論並可自陳所見以期互相裨益 一視學日期 第二十七條 視學官每次巡視除途中往來日數不計外每一省視察之日至少以八十日爲度年假暑假日期不得合算以昭核實

第二十八條 視學官奉派之後得於一月內在部設視學事宜研究會各司人員應輪流到會俾該視學官得考詢討論各地方學務及風土人情並研究教育行政法教育學教授法管理視學規制方法及東西各國教育情形以爲視學之預備 一視學經費 第二十九條 視學官自由京起程之日起至回京之日止應給月薪一百六十兩夫馬費一百四十兩其視察川陝兩廣雲貴甘新四區者每月加給夫馬費四十兩 第三十條 視學官二人應隨帶書記生一人月給工費銀二十兩沿途舟車等費由視學官發給回京時報部核銷 第三十一條

視學官沿途食宿均須自給不得受地方官供應惟巡視所至得借宿於該處之學堂內仍將每日膳費照數發給 一視學考成 第三十二條 視學官如有收受地方餽送及干預權限以外之事者經部查實立即分別撤

給 第三十三條 視學官如有敷衍瞻徇視察不能認真報告不能切實者經部查明立即撤換

湖廣總督陳奏設立後湖清丈局請 飭部立案摺

奏爲漢口設立後湖清丈局清理地畝契稅辦有成效懇 敕部立案恭摺仰祈 聖鑒事竊查湖北漢口

後湖地畝上自玉帶門下至江岸砭袤三十餘里地勢低窪久成澤國無論官淤官荒未遑整理即民家產業亦早

悉化沮洳前任督臣張之洞考查地形以鐵路開通後湖一帶足爲將來開闢商場之用籌撥巨款修築長隄使多

年荒廢之區變爲沃壤由是地價增長而影射混爭之弊亦因此叢生前督臣張之洞特設後湖清丈局以經理之

未及告成而去調任督臣趙爾巽思剔積弊飭局嚴定新章雖經宣佈未能實行臣到鄂時各業戶藉口邀恩頗形

紛擾當經剴切開導寬嚴並用一面將原訂章程酌加刪定俾歸簡易飭令各業戶先繳契約後清地段商民均各

帖然計自光緒三十二年閏四月設局起至本年六月止業經清理地畝共十萬餘畝先後徵收契稅銀五萬六千

五百兩有奇又贖地價繳銀一萬四千九百四十餘兩除開支局用外悉數提解善後局濟用伏查後湖地畝未經

設局以前及甫經設局之始轆轤之多芬如亂絲茲經竭力經營辦有成效亦爲初願所不及目下地畝已經丈清十之八九而官淤官荒共清出二千四百餘畝之多尙有裏河淤地正在清理爲數當更不少將來開闢商場地租契稅之暢旺自在意中設局經費仍取諸後湖契稅之內並未另支公家一文而殖民興商斷從前無數之葛藤收後日無窮之利賴實基於此除飭該局將清丈未完之地迅速趕辦以期早日竣事外其在事各員或晨夕鈎稽或泥塗奔走不無微勞足錄合無仰懇 天恩俯准俟清丈竣事時由後任督臣擇其尤爲出力者酌保數員以資鼓勵出自 鴻施所有漢口後湖清丈局辦理有效情形理合恭摺具陳伏祈

皇上聖鑒訓示敕部立案施行謹 奏宣統元年十月二十九日奉 硃批著照所請該部知道欽此

### 公牘錄要

#### 大名鎮道等稟遵飭舉辦廣屬清鄉暨行查山東成案繕摺候示文並批

敬稟者竊查職鎮前於本年八月間稟報夏防期內元城接界山東匪黨滋擾分派馬步隊巡邊防範并獲犯情形奉到批飭以山東東昌臨清兩屬與廣平府屬壤地相錯盜匪出沒舉辦清鄉必須兩省通力合作尤賴地方正紳助理乃不致別滋擾累而收實效卽由職道職鎮卑府會商妥議稟奪各等因嗣因 山東撫院咨覆以東臨各屬均已舉辦清鄉并於東昌府屬拏獲盜匪多名請煩查照轉飭協力訪緝共保治安各等因於九月初一日奉到電諭并續奉 憲札各在案仰見我 憲台除暴安良綏靜地方之至意欽佩莫名職道職鎮卑府等當卽函商先向山東行查光緒三十三年辦理清鄉成案並已札發曲威兩屬酌量地方情形試辦惟山東定章之初地方太廣以故用人較多經費較鉅閱時較久直屬若僅就廣平各屬辦理繁簡既不相侔而地方情形亦不能無異同前項成案應否損益之處容再酌擬續呈所有行查山東辦理清鄉成案并札飭曲威兩屬各緣由除抄送清摺繕送外理合稟請 憲台鑒核施行

護督憲崔 批稟摺均悉辦理清鄉爲治盜至計既經查取山東清鄉成案札發曲威兩屬試辦其應如何損益之處務令斟酌盡善期於地方相宜俾收實效而免流弊仍將辦理情形妥擬具報此繳摺存

直隸漁業公司孫道多森詳購買東浮橋分局辦公房地價值請批示立案文並批

爲詳報事竊照職公司東浮橋分局向係租賃民房前後僅三間不敷辦公因於今夏四月間在該處附近龍王廟地方勘得棧房一所計地七分有零大小房舍九間廠棚十二間堪以改爲局所由職道派員邀集房主中人議定價洋四千三百元先付定洋三百元合成足銀二百五兩九錢二分五釐二毫業於本年夏季報冊內詳銷在案現在該房主呈請立契成交前來應即憑中找付價洋四千元繕立正契備卷存案除丈明弓尺繪圖呈送外所有購置東浮橋分局辦公房地緣由理合詳請 憲台察核批示立案祇遵實爲公便爲此備由具詳伏乞 照詳施行 護督憲崔 批如詳立案圖存此繳

廣宗縣心令田稟送出品協會各種土貨文並批

敬稟者案蒙出品協會轉蒙 憲台札飭以籌備運送南洋勸業會賽品令即調查各項出品迅速運送備考等因蒙此竊查農工商古稱三室誠以工爲商務之源而農尤爲工商之本農工不講則天然生產棄置於無形民困遂因之日滋國力亦因之不振自與東西洋互市以來農工兩界非無競爭利權之思想然每年出口土貨不及進口洋貨之多何也彼以我之所無易我之所有抑且購我粗賤物製成精巧品轉以重大之價售爲我用利源外溢積成極大漏卮其故因彼人皆實學地無棄材木屑竹頭物皆有且精益求精不遺餘力往往極大工場發端於一人而利垂於百世非真人智而我愚不過我國民人有此思想而無此能力耳現蒙 憲台首先提倡力求抵制屬在下僚益宜奮勉惟查縣屬民志愚頑人工窳敗大凡泥於鄉僻固於方隅陳陳相因進步甚渺若不廣爲開導何以化積習而進文明爰於案牘之餘與鄉曲編氓隨時演說農工利益頗有歡欣鼓舞者但農則株守高曾之矩矱工則依傍宗匠之成規習慣使然遠難深責迨經卑職勸導以後農務工藝亦願隨地改良堪慰 憲廑卑職復查境內地多沙城所出土貨向以果類爲大宗而鮮果不能悠久僅供口食之需殊爲可惜當於杏子出現之時設法曬製味堪適口又購得甜梨酸梨兩種製成梨膏頗能潤肺而益衛生現將各種製法編成白話示稿遍貼通衢俾民間仿照辦理逐漸擴充亦生財之一道也除仍由卑職設法提倡外理合將各種土貨另具說明稟請 大帥查核

護督憲崔 批據稟已悉摺存此繳

贊皇縣王令會圖詳巡官息麟閣辦理警務成效請獎文並批

爲詳請示遵事竊維巡警爲治安要政亦卽憲政基礎範圍甚廣條理極繁任其責者非僅以站崗巡邏徒飾外觀卽可謂盡其職矣然欲其盡力盡心毋忝厥職要在巡官明於警章督教有方乃能駸乎日進而無流弊者也夫巡官責任既重苟其辦事實心動慎耐勞警務起色地方靖謐自應量予給獎以昭激勸查卑縣巡官息麟閣係東光縣廩生精明強幹有守有爲自上年冬間奉派來贊任事實心勞怨不辭整頓警務頗有進步不時下鄉督率長警晝夜巡查遇有鬪毆口角細故隨時爲之解散一切違警事件卽照章辦結彈精竭慮不遺餘力迄今盜劫無聞宵小斂跡地面得慶又安成效昭著士民傳頌不已商賈咸依賴之他如稽查煙犯調查戶口莫不協力同心和衷共濟認真辦理近來城鄉紳民陸續赴局送匾足徵該巡官辦事妥善悉洽輿情似此賢能警員實爲警務中不可多得之員若不詳請給獎殊不足以昭激勸而示鼓勵合無仰懇 憲恩俯准獎給卑縣巡官息麟閣五品獎札俾資感奮而維警政所有卑縣巡官辦理警務成效昭著擬請給獎以示鼓勵緣由是否有當擬合具文詳請 憲台查核俯賜批示祇遵實爲公便

護督憲崔 批據詳已悉仰警務處核明覆奪詳抄發此繳

天津縣董事會函致議事會文

敬啓者前本會會長提議暫緩補選會員一節業經迭請核議在案茲閱報載貴會致各議員函件公布有不能不將前次提議意旨申明言之者查試辦天津縣地方自治章程第五十四條本董事會以左列職員組織之其第三項爲會員八人而自治局鑒定該章程理由書第三章第一節內開會員人數本當設一範圍得因事之繁簡而增減其人數今定爲八人考期成會中皆以爲事之繁簡尙在未定不妨約略定之因此爲試辦章程本可修改也云云是會員八人當日本係約略而定去年夏間成立董事會因經費不足由議事會議決暫定會員六人彼時事之繁簡無從懸斷亦係據理由書約略而定現 憲政編查館奏定廳州縣地方自治章程年內應卽頒布本會會員人數屆期尙須遵章改訂則前此約略所定會員八人及減至六人各數不過試辦并非會員一定標準是以本會會長提議不妨暫緩補選以符定章并非從此卽改作五人亦非專爲經費計也前所謂節省經費者不過因本會

經費不足故言及之耳至貴會所云改作五人則此機關遂漸縮小妨害自治進行然則改設十人百人千人則機關遂確信爲張大足以增長自治之進行乎又云果選舉得人經費自能充足然則今日經費之不足皆由前議會所選會員之盡不得其人乎況查議董兩會經費係由捐務科月撥銀一千兩聲明專作兩會內部經費在案此外董事會進款即應收入自治經費項下如增添內部經費須由貴會議決指款撥支方能充足否則會員益多則額支愈增本會既無點金之術以開源又無節流之法以補救即使選舉會員皆得其人恐仍不能達充足之目的意見所及用再函陳至是否仍須補選會員惟希酌奪本會毫無私見惟妨害自治進行一語本會不任受也此上公鑒

天津縣議事會函覆董事會文

敬覆者十月十九日奉到貴會長副會長會員公函內開暫緩選舉會員一節爲節減經費起見按選舉會員與籌辦經費皆屬敝會專責貴會欲以大力維持足見熱心自治敝會爲議事機關一事發生必經公議議決事件果與權限法令公益不相背謬未便輕易更張茲選舉會員係按章程第五十八條循例照辦并非於額外另添況組織貴會成立時其副會長一人會員六人曾蒙 督憲批定倘敝會任意增減何以取信於 督憲耶是以開會公同決定仍與前之意見相同准於十月二十四日補選屆期照章請貴會長監臨敝會不勝盼切之至特此速覆并請公安

文告錄要

督憲批示錄要○運司詳報解交本年十月份海軍開辦常年各經費銀兩由 批來牘閱悉候分咨 度支部

海軍處查照此復○職商宋發祥等稟爲瀝陳下情難認官虧并呈甘結懇速給照以恤商艱由 批據稟磁州所屬西佐村煤礦擬請全歸該商等承辦并免分認攤還官款等情應否照准候飭津海關道礦政調查局會同核議具覆飭遵并行磁州礦局知照此批

藩台牌示○唐縣紳民稟留高淑琦接留數月由 官員去留權操自上爾等何得干預所稟不准直隸禁煙總局白話公告○茲啓者 查向來你們吸煙的人 都要領取牌照 方能買煙吸煙 現在又要發

給明年春季的牌照了 原先領照的時候 擠在幾天 實在匆忙 報名的營業住址 都是不清不楚 後來查出了 吸煙的姓名與照上寫的不符 定要受罰 豈不是自害自己呢 本局現爲利便你們商民起見 凡從前領照吸煙的人 及向未領過牌照 或出外回來的人 均限自本月初五日起 先來本局掛號 截至冬月二十日內止 此半個月的時候 凡吸煙領照的人 千萬都將自己的姓名住處 確實報明 本局先給掛號的憑條 掛號時並不要費 等到發照的時候 就可拿了憑條 來換吸煙牌照 這樣辦法 可以將姓名營業住址 細細的寫明白了 你們領了吸戶牌照 依著分量買煙 慢慢的減少 自然都可斷癮 豈不是件好事嗎 爲什麼要擔驚受怕的私吸呢 現在清查的時候 如半個月內 你們吸煙的不來掛號 以後就不能領照了 明春本局加緊清查 如查出無照私吸並姓名不符 不管你是紳富是貧苦 一例照章罰辦 那時就後悔也不及了 爲此編成白話 通知爾等吸煙之人 務必互相知會 切勿觀望遲延 自誤了掛號日期 要緊要緊 此啓

天津縣議事會議覆公告○王鏡說帖爲族長王毓秀盜賣祖塋事 議覆說帖閱悉案關民事爭議但據一面之詞未便核議此覆○河東四甲村正副劉恩鴻說帖爲再請嚴禁蹦蹦戲事 議覆說帖閱悉候再申關道憲照會各領事嚴行禁止此覆○商人臧存鐸等說帖爲工頭拖欠鉅款業蒙訊明懇恩從速追究事 議覆說帖閱悉案關民事爭議但憑一面之詞本會未便干涉此覆○吳玉祥說帖爲侵吞墳地懇恩嚴究以便另派管理事 議覆說帖閱悉所陳各節應先通知原買地各商辦理此覆○自治預備會會員李培文童單伯勳說帖爲保全地方公款公產起見懇祈核議事 議覆說帖閱悉現已開通常會所陳各節業已歸案核議矣此覆

## 電報錄要

路透電○中國考查海軍大臣現由英京啓程赴法至車站送行者甚多中國駐英欽使李大臣英大臣布魯恩氏中國前稅司赫德氏偕其夫人均在車站恭送薩軍門告路透訪員聲明洵貝勒并各隨員蒙英國厚待均甚感謝此次考查英國海軍於中國重立海軍問題大有裨益至於造艦一事現在尙難定議洵貝勒於未離道威港時電謝英皇優待并英國官民歡迎之意

又電○俄國威爾雅報受政府之命著有一論謂風傳日俄兩國對於韓國問題特訂協約之說實係子虛  
又電○比利時國王於西十二月十七號午前二鐘三十五分逝世

柏林電○德儲君乘坐電車遇險幸未受傷

又電○德大臣巴克赫森氏被選爲布利曼市長包利氏被選爲議院議長

又電○德國亨利親王宣言伊曾接一電謂德國某兵艦有反對英國之意實係子虛

又電○英德兩國因英國社會黨員布拉士福爾氏有提倡反對德國之事均大不謂然

又電○俄皇偕其眷屬現仍在利瓦的亞地方居住定於西本月二十七號過返俄京

## 新政紀聞

政治

議事會開會報告○天津縣議事會於初三日下午四鐘餘復行開會首由議長趙晉三君報告芥園村來人要求將該廟自來水公司股票經董事會接收者請仍發給該村作爲興學經費一案決否未定又議灰堆村民立第四十二小學堂請補助案公決補助一百二十元又議河東民立第一女學堂請補助案各議員以女學尙在萌芽時代况該學成績卓著自應優加扶持公決補助二百五十元

互選資政院議員○湖北諮議局於上月二十日舉行閉會禮並互選資政院議員是晨各議員衣冠齊集十二句鐘時監督陳制軍率同學臬兩司到會官紳首先合拍一照以誌閉會紀念旋即開會由吳議長令副議長湯化龍君報告互選規則畢陳制軍即起立言有要公不克觀成委學司高凌霨爲代理監督遂辭出次由書記散發記名選舉票各議員填寫畢投櫃計到會者七十九人應以得三十九票者爲當選當即開櫃有金式度君舉有非議員一票作爲無效其餘所舉能及票數者計八名胡栢年陳國瓚鄭璜黃文潤淡鉞胡大瀟陶峻鄒永鈞五句鐘時又舉行再選到會者僅六十一人應以三十一票爲當選計得七人鄧殷源胡光耀金麟胡汝衡何世謙熊正鈞姚晋圻當由代理監督高學司將各當選姓名錄送陳制軍決選五人咨資政院一面由議長宣告散會

民事

函請釋放在押民人○天津縣議事會致工程局函云敬啓者王恩元因拆房請價一案業由敝會函請核議在案昨奉函示擬將該房三間每間從優照民地民產章程發給拆房價銀四十七兩限十日一律拆退以示體恤而便交通等因准此當由敝會據情開導業經認可應候示期拆房以便領價完案惟據該民人家屬聲稱王恩元在押患病日重擬請暫行開釋藉資調養以便靜候拆房給價等語敝會查該民人王恩元既已違斷了結刻因患病在身祇得代懇恩施格外俯准預爲釋放隨後遵奉示期領價以崇優恤而免向隅可否允准之處專候酌核施行順請勛安並希台鑒不備

稽核土膏店規則○浙江禁煙公所詳訂稽核土膏店規則如下 一土膏店只准閉歇不准添開並不准他項店舖帶賣違者以私售論房屋發封並將店主罰辦 二清查土膏店現存土膏各若干向在何處何店購土膏每月向銷土膏各若干均應開單報明禁煙分所查有不符從嚴罰懲 三本省以內彼州縣土膏店至此州縣土膏店拆土購膏須將該店憑照赴禁煙分所核對另取行商牌照方准前往拆購一邑之內小膏土店至大膏土店拆購則須赴禁煙分所領取憑條如係他邑無牌照在本邑無憑條一經查獲即以違章偷漏論貨物充公 四各土店收發各種洋藥土藥須按日向禁煙分所報明數目價值及銷路 五各膏店除將買膏牌照逐日逐件註明外仍須照簿底簿按月呈明禁煙分所 六挑膏店拆土煮膏銷售無論何省土藥及洋藥均須認定本邑土店一家不准在別處收土買土違者封閉 七挑膏店拆土煮膏銷售數按年遞減售價按年遞增均由禁煙分所隨時體察情形呈請本公所酌定以便通行而昭劃一 八膏店向土店拆土無論洋土本土均須真實貨物不得以嗎啡白砒攪和之偽土充用倘有此等情事或經分所查出或經買膏人告發由該廳州縣查訊屬實立將賣出之土店買進之膏店一併封閉罰辦 九大小土膏店不准零星分設凡資本不及二百元者均應歸併各附股份合設一處本人即在內經營不願附設自願停閉者聽 十凡各處零星挑膏不成店面者一律閉歇 十一倘有私製偽土向膏店兜售或銷售與土店者設能拿獲即將私製者懲辦拿獲者從重給賞以杜假土無窮之患 十二土膏店無憑照者查出封閉議罰買得土膏之人無牌照者一經查出惟責成售土膏之店照原價加二十倍罰款充公 十三土膏店歸併後各分所應易於稽查本公所仍隨時督察如有弊竇

即屬徇隱當議以應得之咎 十四七膏店前次認定之膏捐與此次之牌照捐名義截然不同自應照常征收  
清解

商務

飭屬保護商業研究社○前督憲端午帥接到 農工商部咨開據江浙閩粵四省商界代表人孫樹勛馮景彙等

稟稱天津爲通商口岸華洋雜處在洋商日見發達而華商日就蕭條商等經商有年深知其失敗之原因斷非  
從事於學不可商學二字範圍甚廣商等所從事者專以考查商情研究商務爲宗旨商業中人於商律多未諳  
習故集會同志研究商律商規以開通商界之知識一切章程均仿照上海商學會原章略加改訂除稟 北  
洋大臣外呈請立案咨飭保護等情前來查閱該紳等所擬章程共五十六條大致尙屬妥洽其所列宗旨亦正  
除批飭切實研究外相應咨請飭屬保護可也現已由 護督憲通飭遵照矣  
組織全省商團紀事○蘇商體育會前因接到南洋勸業會事務所函請組織全省商團並開大會一節茲由正副  
會長議覆以敝會資淺力薄不足以樹全省之風聲自滬上商團公會發起爲宜並請通知武陽錫金等處俾可  
合力組織以底於成

實業

出品協會檢查科辦事細則○直隸出品協贊會擬訂該會檢查員所掌職務如下 一本會按南洋勸業會章程

辦理分二十四部計四百四十三類品類繁重檢員應就擔任各科分科考察以資實地研究若產品爲北地所  
無不妨從闕 二出品協會將各地運輸赴賽諸品預備陳列如天產製造教育美術及其他品物至爲繁複檢  
查員應按照本會辦事章程每日早九時起至下午四時止爲辦事時間到會研究各項 三陳列品物其等級  
定爲最優優等中等次等四級每物品俟檢查畢後另附標識書簽按二十四部依韻語分編字號標題某物爲  
若干等加以評語由檢查員填注簽字以衡物品而專責成 四檢查員由會中設立檢查品物簿將擔任各項  
於檢查後另行摘錄等次評語分類彙記庶與標識書簽符合可備校核而總數亦能一覽瞭然 五展覽進行  
會已經開會陳列物品陸續輸運到會出品協會應按二十四部另立清冊逐日將徵集各物隨時登記交於各  
檢查員分部考核 六徵集物品預備赴賽爲中國之創舉於實業前途關係甚大檢查員對於本會同擔責任  
如有核議事件可呈明意見書由會中評議員共同籌議請示核辦

不調並不能樵之兵坐食有用之餉徒爲閭閻之害獨於立憲時代留此政治缺點耶故葦蕩右營隸於阜甯葦蕩左營隸於海州約計兩營兵田近百萬畝新淤荒灘數尤過此一經奏准開墾可立得繳價錢百數十萬墾熟升科而歲增正賦銀三四萬兩較之僅徵軍需不敷樵兵放餉其得失之數已瞭於指掌况裁撤樵兵領墾歸農匪徒無可託足地方自獲安甯尤於自治前途有密切之關係及時規劃何待躊躇所繳之價擬按十成攤派以三成解部充海陸軍經費以二成解藩庫充風氣未開州縣教育實業警察監獄經費以二成入江蘇水利公司股分充導淮經費（此項股票即作爲淮海十屬公產另訂支配官利餘利章程充各屬地方自治經費）以二成專辦阜甯海州及鄰縣上下游水利以一成作爲墾務總分局用開支附擬辦法乞公決後呈請制台撫台提台察核具奏施行 附開墾葦蕩營辦法 一請督撫提三憲會奏設立淮海墾務總局派督辦一員駐清江浦派坐辦二員分駐阜甯海州辦理開墾葦蕩營清丈繳價升科事務 一按葦蕩營樵兵地冊原額清丈畝數冊內之地均屬兵田冊外之地即係官荒分別畫清界址 一兵田應儘樵兵繳價領墾擬分五則上上則一千八百文上則一千四百文中則一千文下則六百文下則三百文以鄰田價值比例分定五則譬如兵田每畝值十千作爲上上則價值八千即作爲上則價值六千即作爲中則價值四千即作爲下則價值二千即作爲下下則 一官荒應聽土民各民繳價領墾擬分五則上上則八百文上則六百文中則四百文下則二百文下則一百文已生柴者爲上上則已生深草者爲上則已生淺草者爲中則生苦蒿者爲下則尙未生草者爲下下則 兵田限清丈後六個月內按則繳價領墾逾限不繳方准他人繳價領墾但須於繳價另加二成貼給樵兵（樵兵既裁又無力領墾貼給二成以示體恤） 一官荒限清丈後八個月內按則繳價領墾逾限請領加二成繳價 一清丈後應造清冊編號填寫畝數 一願領墾者限清丈後二個月內赴局掛號指定願領某號若干畝俟繳價時發給墾單執業 一兵田已完軍需之地應即升科改歸州縣徵收 一官荒應仿前督憲周鎮江墾荒案於開墾後十五年升科 一繳價後限三年內一律墾熟逾限不墾准他人接續領墾即將原繳之價給還原領之人如已墾若干即將未墾之地劃歸接領之人 一選擇馴良精壯樵兵改充地方巡警聘教習訓練藉安樵兵以緝匪類 一由提憲派兵分往阜甯海州葦蕩境內藉資彈壓（按淮海盜賊多窟穴於兩營境內

不爲開墾亦應駐兵以保地方治安）一阜甯海州幅輳俱廣開墾葦蕩兩營事更繁劇恐難兼顧不如分設阜海知縣專任治理 准安海州全體議員提議

一請議如阜籌辦地方自治公所議案 敝邑城鄉已辦學校七十有奇在在經濟不足而勸學所常年經費有限教育會僅有入會會費而基本金全無尤形拮据自治籌辦所現甫成立東挪西借不名一錢而調查測繪急需巨款開辦各會所議董職員均擬移本縣積穀帶收之捐爲自治教育經費公推敝所陳請 貴局提議查如阜積穀原定額儲二萬石因兩倉容積僅能儲穀一萬四千石遂常虛六千石之數作價生息沿爲成例歷年帶徵捐款存典生息共錢五萬九百三十千又有零除存本生息抵支倉用足錢八千千文而外尚有四萬二千九百餘千文目下若購補六千石之數約需價錢二萬之譜兩共劃存錢二萬八千串文便可有盈無絀不與積穀成案相符其餘二萬二千九百餘千文以所生息款即請撥歸自治教育之補助至地丁項下帶捐積穀錢文本屬民情樂輸擬請更正名稱爲自治教育捐以五成歸自治五成歸教育統收分撥似此一轉移間事可因而民不擾於積穀原額既可無妨礙於憲政前途亦得所假手敝所後經開會公決衆議僉同爲此據請代表是否由貴局發交審查提議之處相應肅函懇請 如阜籌辦地方自治公所正長沙元炳副長馬錦繁提議

一分期籌辦普及教育議案 第一章 確定教育行政之機關 一各州縣勸學所教育會限期一律成立 二勸學所限期選定職員開辦教育講習科 三勸學所人員明定俸給 四詳訂學務勸懲則例 第二章 改良教育之預備法 一注重宣講 二清查家塾 三調查學堂 以上爲第一期 第三章 改良教育之實立法 一合併家塾 二設半日師範傳習所 三半日師範卒業獎勵 四設晚間師範講習所 五學堂教員家塾師一律入教育研究會 六考驗家塾學生獎勵塾師 七整理原有學堂統一教育 八小學一律注重國文禁習外國文 九漸改家塾爲學校 第四章 推教育之預備法 一清查學齡兒童統一教育 二調查公款實數詳訂籌款方法(以上爲第二期) 第五章 推廣教育之實立法 一補助由家塾改設之學堂使臻完善 二按照統計表次第推廣學校 三設初等小學高等小學中學補習科 四設國文專修科研究會(以上爲第三期) 五實行強迫教育(以上爲第四期) 常州府陽湖縣伍達提議

# 謹告我國四萬萬同胞

大清欽命駐劄新嘉坡總領事特表韋廉士大醫生紅色補丸之奇功並自述其獲益之緣由

韋廉士大醫生紅色補丸近在天下文明各國各等社會莫不明證是丸為名著大陸之聖藥實有使身力復原之奇功也屈指二十餘年以來有無數感恩之人或貧或富或男或女紛紛遺書致謝登報讚揚以申明其由韋廉士大醫生紅色補丸之妙用有得身體康強精力復原之實益在所刊布之保證書中有出自各國富貴大員者有出自著名醫士者上自政府樞臣下至府廳州縣以及各國宗教師格致家富紳巨商各國大醫院之優等看護婦莫不嘖嘖讚賞此丸有起死回生之妙補天浴日之功也茲承大清駐劄新嘉坡兼轄海門等處總領事左公乘隆遺書表揚恭錄如下云韋廉士大醫生所製之紅色補丸親經試驗特予表揚蓋余嘗聞此丸名馳久矣數月前偶試



大清欽命 服之果覺脾胃強健氣體充盈種種奇功筆  
 駐劄新嘉 難盡述因思此丸創製多年衛生家莫不奉  
 坡總領事 為至寶早已風行海內凡我內地諸省倘知  
 左公乘隆 實貴廣為銷售俾我四萬萬同胞共登壽域  
 表揚韋廉 豈不猗歟爰為之書以徵實驗 大清駐劄  
 士大醫生 新嘉坡總領事左乘隆具 韋廉士大醫生  
 紅色補丸 是丸為醫學家所素知乃使血潔淨使血有  
 之奇功

力並造新血之聖藥也大抵不潔轉弱之血皆為致疾之根由血苟潔淨有力則疾病自能驅除淨盡矣茲將是丸所能療治各疾列後 血薄氣衰 諸虛百損 腦筋衰殘 少年虧喪 陽萎不舉 胃不消化 肝經各病 頭目暈眩 左癱右換 跳舞瘋病 腳氣衝心 山林瘴氣 風溼骨痛 腎虧痠痛 腰酸背疼 胸膈疼痛 乾溼癬癩 癩癧疔疹 皮膚諸症 以及婦女經水不調肝鬱氣悶等症無不藥到回春 韋廉士大醫生紅色補丸中國各處商店藥局凡經售此藥之處均有出售或直向上海九江路B字第八號韋廉士大醫生藥局總發行處或向四川重慶白象街分局購買亦可價銀每六瓶大洋八元每瓶大洋一元五角 遠近郵費一律不取 謹告購藥諸君請細認能療疾病者係真正韋廉士大醫生紅色補丸並非若市上所售影戲漁利之紅血紅衣等丸也謹防假冒勿為所悞

上海九江路B字第八號韋廉士大醫生藥局啟

商務印書館出版各書上海總發行所 分館發售

欽定大清會典事例全書 會典 版式大小謹遵

進呈原本

商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已罄再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖書悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初羌無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

# 天津商務總會代收兩湖吉林水災賑款數目及各善士銜名第五次

## 報告

肥鄉縣正堂代募第一百六號册共助洋十五元 肥鄉縣正堂四元 鍾少驥二元 王來卿 代理肥鄉縣右  
 堂陳 巡警局巡官王瑞麟 肥鄉高等學堂教員劉 肥鄉高等學堂董王賜爵縣 肥鄉高等學  
 堂副教員王鳴鑾 肥鄉高等學堂魏四店兩 柴子良二兩 蔡士洲 曹竹生各助銀一元 肥鄉總店代募第一  
 七號册共助銀十兩 元泰興魏四店兩 柴子良二兩 蔡士洲 曹竹生各助銀一元 肥鄉縣正堂代募  
 第二百四十六號册共助銀四十四兩一分 除原來差去盤費洋五元實收洋四十六元 博野縣正堂十兩  
 法化寶銀三十九兩四錢二分洋五十一元 除原來差去盤費洋五元實收洋四十六元 博野縣正堂十兩  
 十悅九 蔣士銅 蔣士琛 蔣毓川 各助銀六兩 蔣鴻遠三兩 白家莊張汝舟 吳王莊王冠英 蔣  
 培珍 陳廷選 鄧廣和 于筆湘 汪茂林 蕭冬嶺 董經明 時炳辰 王希曾 胡金銘 蘇  
 十餘 郭錦林 劉廷選 李國昌 程應麟 宋亞均 郭清垣 李善成 高炳堃 孔慶餘 翟士元 耿  
 清瑞 龐建勳 徐俊章 恒聚成 義生永 豫泰恒 王葆榕 周純仁 劉鍾桂 于鑑塘 高鏡珩 喬  
 桂齡 楊燮周 董冠羣 韓春陽 仲紹由 各助洋一元 馬際雲二元 盧殿甲 楊學海 祥慶當各助洋  
 三元 博野總店代募第二十四號册 振興鹽總店四元八角八分 信昌總店四元 楊衛泉二元  
 洋十一元內有站人洋五元因鑄字去色一角二分實收洋十一元 新樂縣總店代募第一七十八號册  
 稽書小寨子店 北莊子店 孫葆子店 雙塔子店 各助洋一元 新樂縣總店代募第一七十八號册  
 新樂縣鹽店五元 新樂縣正堂代募第一七十七號册共助洋六十七元內有站人洋十二元加色一角三  
 分共收洋六十七元一角三分銅元一百四十四枚 新樂縣知縣麥汝良二十元 幫審委員試用知縣王肇  
 洛刑錢 幕友李植夫各助洋四元 收支幕友何子蓋 巡警總局巡官張恒德 典史宋長榮 管帶新樂縣退伍軍宋  
 全田 高等小學堂教員祝永圖 勸學總董李永年 巡警總局巡官張恒德 典史宋長榮 管帶新樂縣退伍軍宋  
 東路巡警分區警董張紹閱 張士傑 南路巡警分區警董秦殿楓 張桂芬 西路巡警分區警董張殿輔  
 張其萬 北路巡警分區警董史思義 竇文光 教練所董事王運昌 趙維藩 西路巡警分區警董張殿輔  
 巡警分區警董高明德 東路巡警分區警董史思義 竇文光 教練所董事王運昌 趙維藩 西路巡警分區警董張殿輔  
 官邱鳳翔 駐防營李道明 西南路勸學員劉清真 楊康成 巡警教練所教員謝榮恩 西路巡警分區警  
 分區官陳紹淞 何玉階各助洋一元 高等小學堂司事劉文明一百枚 巡警教練所書記謝金聲 南路巡警  
 總局巡官呂書元 張義廷各助洋一元 銅元二百四十四枚 津公砒化寶銀四十九兩四錢二分  
 二元 以上統共助洋一百五十元一分 銅元二百四十四枚 津公砒化寶銀四十九兩四錢二分

# 新 啟 告廣司公限有灰洋



啟者本公司係承唐山洋灰公司老廠另聘外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管管子等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不誤期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司察閱面議一切可也

德律風一千三百零九號

## 瑞林祥元記

大小皮包法國洋鏡又新到轉盤換調器匣八音盒價值格外從廉仕宦官商光顧者請移玉紫竹林法租界本行主人啟

本行開設天津上海香港志呢華海參藝等處均設立有年諸班貨物由外洋本機器廠自造磁蘭洋鏡皮套鐘天文坐卦等鏡以及金銀夾金銅鑲等表約有二百餘宗並各樣表鍊金鑲珠寶鑽石戒指留耳墜鐲子表筆大小八音盒並留聲話匣單雙桶千里眼磁蘭磨花穿衣鏡妝梳洋鏡

## 瑞林祥元記

本號開設北京前門外鮮魚口 天津估依街中間路北 山東濟南府院西路北自置綢緞紗羅顧繡蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

## 武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器球藍 奇巧美術玩器 學界文房用品 旅行携帶等件 精工變身物料 定織各色蓆氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

# 督署兩等小學招生廣告

**一 宗旨** 以合教官紳士民子弟為主不分省界  
**二 地址** 在督署後天緯路北  
**三 學級** 本校分高等初等兩級  
**四 課程** 高等 講經 國文 地理 歷史

格致 算術 手工 音樂 英語 體操 第三年第二 初等 讀經 國文 算術 音樂 團畫  
學期酌添農業商業工業為隨意科任各學生認學一科 體操 第二年第一學期添歷史地理  
**五年齡**

高等以十四歲以下十一歲以上為合格  
初等以八歲以上十一歲以下為合格  
**六 學費** 免收  
**七 膳費** 由本堂備午膳不收費  
**八 書籍操衣**

**費** 均自備  
**九 資格** 高等以能作短文為合格  
初等以能識字能寫字為合格  
**十 卒業** 高等初等均以四年卒業  
**十一 獎勵均遵 部章**

高等生卒業最優等得獎廩生優等獎增生中等獎附生 初等由督帥及 提學司考試分數合格由本校發給卒業文憑准其升學  
**十二 報名** 由學生父兄偕同安實保證人至天緯路北本校報名聽

侯傳考惟本人父兄不得作保證人

# 督署兩等女學招生廣告

**一 宗旨** 以合教官紳士民女子為主不分省界  
**二 地址** 在督署後花園  
**三 學級** 本校分高等初等兩級  
**四 課程** 高等 講經 國文 地理 歷史

格致 算術 圖畫 女紅 讀經 國文 算術 音樂 女紅 團畫  
紅 音樂 英語 體操 初等 畫 體操 第二年第一學期添歷史地理  
**五年齡** 高等以十四歲以下十一歲以下為合格  
初等以七歲以下為合格

**六 學費** 免收  
**七 膳費** 由本堂備午膳不收費  
**八 書籍操衣費** 均自備  
**九 資格** 高等以文為合格初等以能識字能寫字為合格  
**十 卒業** 高等初等均以四年畢業  
**十一 報名** 由學生父兄偕同安實保證人至天緯路本校報名聽

候傳考惟本人父兄不得作保證人

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價格外減讓以副官商雅意如蒙賜顧請至本局賬房面議可也

## 催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

## 工商演說廣告

啓者十一月初三日晚八鐘至十一鐘仍借東宣講所內演說工商各項要理並請韓鏡湖先生演說流質上下側三者壓力之功用紀管濬先生演說立憲國之國民有擔任國債之責任宋則久先生演說工商研究之要素務乞各工商屆時惠臨入聽不取分文特先佈告  
天津勸工陳列所謹啓

## 助柴鳴謝

啓者本堂收養孀孤年來人數增多不獨米糧用鉅而冬令燒柴尤爲大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

## 鳴謝助款

邑紳花翎候選道李公鴻翰謹遵故父李公鍾瑒遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實爲好義可風同深感佩除由本堂詳請督憲奏獎外理合登報鳴謝以爲樂善好施者勸  
天津廣仁堂謹啓

## 天津南開私立第一中學堂招考

新班學生  
考期一在本年十二月初六日上午一在明年正月十八日下午